



Broj: 101-1- 3014 /26

Datum: 29.6.2026. godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), članom 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23), članom 27. stav (2) Pravilnika o javnim nabavkama Univerziteta „Džemal Bijedić“ u Mostaru broj: 101-1-1638/17, a na preporuku Komisije za javnu nabavku broj: 170-2995/26 od 25.6.2026. godine, rektorica Univerziteta „Džemal Bijedić“ u Mostaru donosi

ODLUKU

o izboru najpovoljnijeg ponuđača u postupku javne nabavke „Demolicija devastiranih objekata u kampusu Univerziteta“

I

Prihvata se preporuka Komisije za javnu nabavku u postupku javne nabavke pod nazivom „Demolicija devastiranih objekata u kampusu Univerziteta“, broj: 170-2995/26 od 25.6.2026. godine i ugovor o nabavci radova u predmetnom postupku se dodjeljuje ponuđaču **„HP INVESTING“ d.o.o., Bišće polje bb, 88000 Mostar** u skladu s ponudom broj: 475/26 od 16.06.2026. godine.

II

Ugovor o nabavci se dodjeljuje ponuđaču iz tačke I ove Odluke, sa ukupnom cijenom u iznosu od 194.000,00 KM bez PDV-a, nakon održane e-aukcije.

III

- 1) Izabrani ponuđač je dužan dostaviti dokaze u svrhu dokazivanja činjenica iz člana 45. Zakona o javnim nabavkama BiH („Službeni glasnik BiH“, broj: 39/14, 59/22 i 50/24), potvrđenih u Izjavi iz Aneksa 3 Tenderske dokumentacije u predmetnom postupku, u skladu sa tačkom 12.4. TD u roku od 5 (pet) dana od dana prijema Odluke o izboru najpovoljnijeg ponuđača.
- 2) Izabrani ponuđač je dužan dostaviti dokaze u svrhu dokazivanja činjenica iz člana 47. Zakona o javnim nabavkama BiH („Službeni glasnik BiH“, broj: 39/14, 59/22 i 50/24), potvrđenih u Izjavi iz Aneksa 4 Tenderske dokumentacije u predmetnom postupku, u skladu sa tačkom 14.4. TD u roku od 5 (pet) dana od dana prijema Odluke o izboru najpovoljnijeg ponuđača.

IV

Ugovorni organ će dostaviti na potpis izabranom ponuđaču prijedlog ugovora, i to nakon isteka roka od 15 dana, računajući od dana prijema odluke o izboru najpovoljnijeg ponuđača.

V

Ova Odluka objavljuje se na web stranici Univerziteta, www.unmo.ba istovremeno sa upućivanjem obavještenja ponuđačima koji su učestvovali u postupku javne nabavke, u skladu sa članom 70. stav 6) Zakona o javnim nabavkama („Službeni glasnik BiH“, broj: 39/14, 59/22 i 50/24).



VI

Obavještenje o dodjeli ugovora i Izvještaj o provedenom postupku objavljuje se u skladu sa članom 74. i 75. Zakona o javnim nabavkama („Službeni glasnik BiH“, broj 39/14, 59/22 i 50/24).

Obrazloženje

Odlukom broj: 101-1-2265/26 od 26.5.2026. godine pokrenut je postupak javne nabavke radova demolicije devastiranih objekata u kampusu Univerziteta, putem otvorenog postupka. Komisija za provođenje postupka javne nabavke radova demolicije devastiranih objekata, imenovana je Odlukom broj: 101-1-2266/26 od 26.5.2026. godine.

U skladu sa Odlukom o pokretanju javne nabavke ukupna procijenjena vrijednost nabavke bez PDV-a iznosi 260.000,00 KM. Obavještenje o nabavci broj: 66-1-3-102-3-38/26 objavljeno je na portalu javnih nabavki dana 26.5.2026. godine zajedno sa Tenderskom dokumentacijom broj: 101-1-2304/26.

U skladu sa Tenderskom dokumentacijom i obavještenjem o nabavci dana 16.6.2026. godine sa početkom u 10:00 sati održano je javno otvaranje ponuda. U predviđenom roku za prijem ponuda (16.6.2026. godine do 9:30 sati) zaprimljene su 4 (četiri) ponude kako slijedi:

Rb.	Broj protokola	Naziv/ime ponuđača (šifra)	Datum i sat prijema
1.	180-2710/26	G.D. KONSTRUKCIJE d.o.o.	15.6.2026. u 12:45 h
2.	180-2722/26	HP INVESTING d.o.o.	16.6.2026. u 8:30 h
3.	180-2723/26	GRAĐEVINAR d.o.o.	16.6.2026. u 9:10 h
4.	180-2724/26	ECCON INŽINJERING d.o.o.	16.6.2026. u 9:15 h

Nakon izvršenog pregleda ponuda, Komisija je konstatovala sljedeće:

Ponuda ponuđača G.D. KONSTRUKCIJE d.o.o. Mostar je kompletna i prihvatljiva i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije.
Ukupna cijena ponude iznosi 259.705,00 KM bez PDV-a. Ponuđač nije dao popust na cijenu.

Ponuda ponuđača HP INVESTING d.o.o. Mostar je kompletna i prihvatljiva i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije.
Ukupna cijena ponude iznosi 255.200,00 KM bez PDV-a. Ponuđač nije dao popust na cijenu.

Ponuda ponuđača GRAĐEVINAR d.o.o. Mostar je ocijenjena kao nepravilna jer nije potpuna i ne ispunjava zahtjeve iz tenderske dokumentacije, te se odbacuje u skladu sa članom 68. stav (4) tačka i) Zakona o javnim nabavkama BiH.



Tačkom 15.1. b) TD u predmetnom postupku propisano je da su ponuđači, u skladu sa članom 48. i 51. Zakona o javnim nabavkama dužni ispuniti, između ostalog, sljedeće minimalne uslove:

b) Da ponuđač posjeduje ili ima osiguran pristup potrebnoj tehničkoj opremi koja će biti na raspolaganju za izvođenje predmetnih radova, kako slijedi:

1. Rovokopač - 2 kom
2. Bager sa hidrauličnim čekićem - 2 kom
3. Kamion nosivosti preko 20 t. - 4 kom
4. Grejder veći od 120 Kw - 1 kom
5. Utovarivač - 2 kom
6. Vozilo sa nadogradnjom za prevoz vozila – 1 kom
7. Valjak preko 16 t - 1 kom

Tačkom 15.2. tenderske dokumentacije propisano je da su ponuđači, u svrhu dokazivanja tehničke i profesionalne sposobnosti, za ispunjavanje uslova iz tačke 15.1. b), dužni dostaviti sljedeće dokumente:

Za dokazivanje traženog uslova pod 15.1.b) potrebno je dostaviti:

- Kopiju saobraćajnih dozvola za vozila koja potpadaju pod registraciju, za ostale kopije upotrebnih dozvola, odnosno ugovor o zakupu ukoliko se mašina ne nalazi u vlasništvu ponuđača. Dokumenti se dostavljaju kao original ili ovjerena kopija.

Komisija je prilikom ocjene ponude ustanovila da ponuđač „GRAĐEVINAR“ d.o.o. nije dostavio dokaz da posjeduje ili ima osiguran pristup za 2 (dva) rovokopača. Na stranici 31. ponude dostavljena je upotrebna dozvola za samo 1 (jedan) rovokopač, te ponuđač nije dokazao da ima na raspolaganju 2 rovokopača, koliko je zahtijevano tenderskom dokumentacijom.

Nadalje, ponuđač nije dostavio dokaz da raspolaže sa 2 (dva) bagera sa hidrauličnim čekićem, kako je zahtijevano tenderskom dokumentacijom.

Ugovorni organ je zahtijevao 4 (četiri) kamiona nosivosti preko 20 t. Ponuđač „GRAĐEVINAR“ d.o.o. je dostavio ovjerene kopije saobraćajnih vozila za 4 (četiri) vozila, od kojih 2 (dva) ne ispunjavaju uslov tražene nosivosti (preko 20 t). Teretno vozilo Mercedes Benz AROCS 4145 K (str. 37. ponude) ima dopuštenu nosivost 15,8 t, a vozilo Mercedes Benz AROCS5 ima dopuštenu nosivost 15,9 t.

Kao dokaz o raspolaganju tehničkoj opremi pod rednim brojem 4 – Grajder veći od 120 kW, ponuđač je dostavio ovjeren ugovor o najmu opreme, međutim, nije dostavljena upotrebna dozvola za navedeno vozilo.

Ponuđači su dužni, u skladu sa članom 57. stav 1) Zakona o javnim nabavkama BiH i tačkom 18. TD u predmetnom postupku, pridržavati se zahtjeva i uslova iz tenderske dokumentacije.



Ponuda ponuđača ECCON INŽINJERING d.o.o. Čapljina je kompletna i prihvatljiva i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije. Ukupna cijena ponude iznosi 258.590,00 KM bez PDV-a. Ponuđač nije dao popust na cijenu.

Tačkom 30. Tenderske dokumentacije bilo je predviđeno održavanje e-aukcije te je nakon provedenog postupka e-aukcije, u skladu s Izvještajem o toku i završetku e-aukcije od 25.06.2026. godine, utvrđena konačna rang lista ponuđača kako slijedi:

1. „HP INVESTING“ d.o.o. Mostar s ukupnom cijenom ponude u iznosu od **194.000,00 KM bez PDV-a,**
2. „ECCON INŽINJERING“ d.o.o. Čapljina s ukupnom cijenom ponude u iznosu od **194.500,00 KM bez PDV-a.**
3. „GD KONSTRUKCIJE“ d.o.o. Mostar s ukupnom cijenom ponude u iznosu od **259.705,00 KM bez PDV-a.**

Komisija za javnu nabavku jednoglasno je dala preporuku rektorici Univerziteta da se donese odluka o izboru najpovoljnijeg ponuđača, te da se ugovor o nabavci radova demolicije devastiranih objekata u kampusu Univerziteta, dodijeli ponuđaču „HP INVESTING“ d.o.o. Mostar sa ukupnom cijenom ponude u iznosu od **194.000,00 KM bez PDV-a.** Komisija je jednoglasno utvrdila da je ponuda prihvatljiva i u skladu s tenderskom dokumentacijom, te je nakon održane e-aukcije ocijenjena kao najpovoljnija u skladu s postavljenim kriterijem najniža cijena.

Ovom odlukom prihvaćen je prijedlog komisije. U postupku donošenja Odluke posebno su cijenjene činjenice da je Komisija za javne nabavke pravilno i potpuno dala ocjenu prispjelih ponuda kao i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom. Na osnovu svega navedenog, odlučeno je kao u dispozitivu ove odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa najkasnije u roku od 10 (deset) dana od dana prijema ove Odluke, u pisanoj formi direktno ili putem preporučene poštanske pošiljke, sve u skladu sa odredbama članova 99-108. Zakona o javnim nabavkama BiH.

10 REKTORICA

prof. dr. Alena Huseinbegović

Dostaviti:

1. G.D. KONSTRUKCIJE d.o.o.
2. HP INVESTING d.o.o.
3. GRADEVINAR d.o.o.
4. ECCON INŽINJERING d.o.o.
5. U predmet
6. a/a